



UHLELO : B Ed Foundation Phase
IMOJULI : ZULU FOR FOUNDATION PHASE (FLT 3A
IKHODI : ZFP3AA3
USUKU : UKUHLOLA KOKUCHIBIYELA (SUPPLEMENTARY)
ISIKHATHI : AMAHORA AMA-2
IMIKLOMELO : 100
UMHLOLI : NKK NL. SIBIYA
UMCUBUNGULI: DKT E MABUZA

IMIYALELO:

1. Fundisisa kahle imibuzo anduba uphendule.
2. Leli phepha linamakhasi ayisi-7
3. Leli phepha lihlukaniswe ngezigaba ezimbili: uhlelo nemibhalo.
4. Phendula yonke imibuzo1- 10 ephepheni olinikeziwe.
5. Bhala igama nesibongo kanye nenombolo yomfundi
6. Phendula imbuzo ngesiZulu.

ISIGABA A: UHLELO NOLIMI

UMBUZO 1

Funda isiqeshana esingezansi bese uphendula imibuzo ezolandela:

Ubaba uMkhwanazi wazise abantu **benkosi** ukuthi inkosi ikhotheme. Awehlanga kahle **lawo** mazwi ngoba bona bezwe ukuthi ukufa kudle kwazishiyela nokuthi sekungozi makhaza. Isizwe **sonke** sasidabuke ngendlela emangalisayo. Kwakufana ncamashi nokukhalelwa kwendlovukazi uNandi. Njengoba namuhla sinesisho esithi, ukukhala isililo sikaNandi. Yona igulile bandla, **futhi** kuvamile ukuthi uma kuthiwa umuntu usesindile kube yilapho ehamba khona. Kwenziwa amalungiselelo okuyoyitshala emalibeni **asebukhosini** njengoba kwakuyinkosi yohlanga. Kufike umuntu mumbé ezobuza indlela eya esigodlweni. Ave kubuhlungu ukuhanjelwa yinkosi enamandla kangaka. Yinkosi le esilele idindilize kanje? Babemangele abantu. **Maye!** Mhlaba kawunoni. Kufa izinsizwa kusale **izibongo** impela. Kwahlelwa ukuba itshalwe ekuseni kwenzelwe ukuthi ababuya kude bakwazi ukuhamba kusakhanya. Amakhosi wodwa angcwatshwa ngovivi. Abantu bahlala bazotha laphaya otshanini. Beqala ukubona umngcwabo **omkhulu** kangaka. **20**

Umbuzo 2

2.1 Bhala imisho elandelayo ibe sebuningini:

- a) Kwenziwa amalungiselelo okuyoyitshala emalibeni **asebukhosini**.
- b) Kufike umuntu mumbé ezobuza indlela eya esigodlweni.
- c) Kufa izinsizwa kusale izibongo impela.
- d) Abantu bahlala bazotha laphaya otshanini.
- e) **Maye!** Mhlaba kawunoni.

10

2.2 Bhala izigaba zamabizo ayishumi ozaziyo. Ubhale inombolo yesigaba nebizo laso.

10

2.2 Yakha imisho ngamabizo amahlanu owakhethe endabeni engenhlá.

10

ISIGABA B: IMIBHALO

UMBUZO 6

Funda inkondlo engezansi bese uphendula imibuzo elandelayo:

Umhlaba

Maye ngiyakwesaba wemhlaba

Kambe ungubani ngempela wemhlaba

Igama lakho lisho konke ngawe

Uyahlaba ufana nameva enkunzana.

Uyahlaba ngempela ubaba njengayo inhlaba,

Abadla yona inhlaba kuphela wonke amahlaba,

Ahlasela abancane nabadala,

Sebezame konke kwanhlanga zimuka nomoya.

Kodwa mina ngiyakwazi mhlaba

Futhi ngiyawazi namava akho

Futhi ngiyavuma ukuthi uhlaba ngempela

Ngoba usuwahlaba abazali bami baphela.

Mina sengasala sengingumtshingo ozibethayo

Angisenamuntu ongixhasayo nongisizayo

Konke lokhu kungenxa yakho mhlaba

Ngoba uhlaba lapho uthanda khona.

Phezu kwakho konke lokhu ngiyakuhlonipha

Uyikho konke kumuntu olapha

Abakuhloniphayo uyabahlonipha

Kepha abakudelelayo uyabajezisa.

Konke lokhu ngikusho ngoba thina sonkana

Sophelela kuwe

Wena uyingubo yethu yokugcina

Sesifike osukwini lwethu lokugcina.

6.1 Sifenqo sisi esisetshenziswe yimbongi kule nkondlo? (3)

6.2 Ikhuluma ngani le nkondlo? (8)

6.3 Khipha ukuxhumana okubili okule nkondlo. Uchaze nohlobo lwakho. (4)

6.4 Khipha imvumelwano sigcino etholakala kule nkondlo. (2)

6.5 Ubuye ukhiphe nemvumelwano maphakathi eyodwa. (2)

[20]

UMBUZO 7

Funda isicaphuno esingezansi bese uphendula imibuzo ezolandela:

UJosephine wayefuna ukubona kahle ukuthi uNgobese, umyeni wakhe, wayezosebenza i-ova ngempela yini ngalelo langa njengoba lokho kwe-ova kwase kuphikisana nalo mlayezo yena uJosephine abe esewutholile. Uma wayezosebenza i-ova ngempela uNgobese kwakubonakala ngokuthi angaqhamuki laphaya esangweni lasemsebenzini lapho abanye sebephuma begoduka ngoba wayezokube esebenza. Kwakuzokuthi uma ungobese eqhamuka nabagodukayo abaphuma efemini bazokweqa umgwaqo abanye beya esitimeleni abanye baziyele ezimotweni zomphakathi, kuchaze ukuthi kuya njengamagama ayeqoshwe phansi ephepheni. Phela yiwo la magama uJosephine awabone eziphumulele embhedeni wendoda yakhe ehostela lamadoda lapho uJosephine ayecela ukuzohlala khona alindele ukubonana nodokotela eduzane njengoba ayesezithwele nje.

Wathi lapho esehlezi, wezwa kuthi makaphinde futhi awafunde la magama ayeqopheke ephepheni elingaphansi ngenxa yokucindezela kakhulu ipeni kukaNgobese. Wafunda-ke:

Dear Lavy

Impela sengathi izinto zizoba mnandi ebusuku njengoba unxusile. Noma ikanjani sizobonana ebusuku. Okusho ukuthi ngizophuma emsebenzini ngize lapho ebese siya kuleyo ndawo lapho ziduma khona ngigcine sengibuye ngazolala lapho kwesakho njengoba nawe ushilo-ke.

UNkosikazi, njengoba ngiyazi ukuthi uzophatheka kabi emoyeni kanti uzethwele ngizomane ngithi nje kuye ngizobamba i-ova ebusuku kwaphela. Yena uyobona ngoba sengibuya nje ngakusasa. Futhi angeke ngize ngimtshale lutho inkukhu ingakawachamuseli.

Angivalelisi L, ngoba sizobonana kusasa ntambama.

Yimina omaziyo,

uGoodboy

7.1 Ubani umlingiswa oqavile kule ndaba? Sekela impendulo yakho. (5)

7.2 Sithini isihloko sale ndaba? Ngabe siyahambelana nendaba? Chaza. (7)

7.3 Indaba emfishane ivame ukuba nengwijikhwebu. Ngabe ikhona lapha? Chaza. (8)

7.4 Uma ngabe ubungayazi le ndaba ubungayihumusha kanjani incwadi ebhalwe

UNgobese ayibhalele uLavy? Sekela impendulo yakho ngokucaphuna

encwadini (10)

UMBUZO 8

8.1 Bhala uchaze izinhlobo ezine zomdlalo. (12)]

8.2 Veza ubunkondlo obutholakala kulezi zithakazelo ezilandelayo:

Mbokazi

Lwandle aluwelwa,
Luwelwa zinkonjane
Zona ziphapha phezul' emafini!
Phangela kobhongo, koqhoqhoqho!
Mlamlankunzi
Ngab' uziyekile, zabulalana!
Hlamukazi kaMdaka;
Umdaka usezintangeni!
Wen' owasePhulamuth'-uphekiwe endlini kaMantombase;
AbakaPhangela, abaphangel' izinkomo zamadoda,
lath' ilanga liphuma,
labe liphuma nezinkunzi zamadoda!

(13)

UMBUZO 9

9.1 Ngabe buyini ubuciko bomlomo? Chaza (5)

9.2 Izinganekwane njengobuciko bomlomo bezisetshenziswa ngumphakathi womdabu wase-Afrika ukugcina kanye nokudlulisela ezizukulwaneni ezilandelayo izifundo zokubaluleka kokuziphatha. Sebenzisa inganekwane eyodwa oyaziyo ukufakazela lesi sitatimende esingenhla. (10)

9.3 Qondanisa

A.	B
1. Inkondlo yesililo	a) Indaba emfishane
2. Indaba emfushane	b) I-ephiki
3. Inkondlo elandayo	c) Isithakazelo
4. Ingwijikhwebu	d) i-eleji
5. Mntungwa!	e) Idingida isehlakalo esisodwa

(10)

ISAMBA SEMIKLOMELO: [100]

OKUMHLOPHE!!!

Isamba semiklomelo: [50]

OKUMHLOPHE!!!